

貴州政報

no. 60

活葉
小學新教材 每號一角

教材為教授必要之資料
課本為教材必要之器具
但課本有時稍嫌拘束
本館創刊各種新教材

均經教育部

審定 用為補充及

救濟之品 極合動的教
育之旨趣 尤以活葉本
新教材為各校所歡迎
已出二十號 題目如下
用法另詳

欲行動的教育的
必用各種新教材

- | | | | | | | | | |
|------|----|------|------|------|------|------|------|------|
| 九 | 八 | 七 | 六 | 五 | 四 | 三 | 二 | 一 |
| 國音 | 路約 | 順濟高徐 | 國恥紀念 | 提倡國貨 | 國際聯盟 | 歐洲新局 | 巴黎和議 | 歐洲大戰 |
| 十九 | 十八 | 十七 | 十六 | 十五 | 十四 | 十三 | 十二 | 十一 |
| 太平洋之 | 戰犬 | 疏濬運河 | 改良棉種 | 歐洲華工 | 鐵路 | 挖里高線 | 火柴 | 糖 |

△活葉本文選 一百號 各七分

△理科教材 理化編 各二冊 各六角
博物編 各二冊 各六角

△修身遊藝聯絡教材 二冊 各二角

△手工聯絡教材 一冊 四角

△手工教材 二冊 八角

△圖案教材 二冊 六角

△範字教材 前四輯 各二角半
後四輯 各二角

△範字教材教授法 前四冊 各二角半
後四冊 各二角半

△範字練習簿 甲乙種 各五分

△體操教材 一冊 三角半

此外尚有圖表多種亦為教授最需要之用品
欲知其詳請問圖書彙報

類目

(一)要電

覆設法繼賑電
覆地震賑災不遑兼顧電

(二)政府命令

(三)部咨

(四)軍署公文

(五)本署公文

義穀交代不符令

整飭官醫局令

勞働病院應否裁撤令

核發荒災賑款令

會審擊匪荒唐令

因公遺忘請飭查辦令

飭查呈覆上訴知事令

飭核所擬變通桿木辦法令

苗圃租金按年繳解令

提解人証送訊令

考查私塾是否用教科書令

視查織金學務報告令

實力奉行課桑原案令

飭報林業成績報告書令

查明領發棉種令

軍電應否用肥鰾法咨

加抽屠捐令

減定鑛鉛稅率令

呈懇維持鹽業令

呈送計算錯誤令

團務管見令

追緝股匪令

懲辦盜犯令

獲訊劫殺匪犯令

處分匪犯家產令

以工代賑令

搜剿股匪請獎卹陣亡警兵令

核獎助糶令

偵查藉稱保商帶隊出沒令

從速驗收電桿令

登錄律師令

查案取巧記過令

請商給養招兵員令

學監辭職令

請增徵輯經費令

互爭學款令

改組學校令

申斥無從填報教育經費令

儲備國庫令

付公債息銀辦法令

遺失執照作為無效令

(七)法規

貴州財政廳訂定省書代各縣局承領票據規則

(八)圖表

(九)批告

貴州省長署牌示三件

貴州省長署批 四件

貴州省長署佈告一件

(十)判牘

大理分院刑事判決謝春珊偽造私文書上告案

大理分院刑事判決何光遠不服誣告上告案

大理分院民事判決安有文承繼涉訟上告案

貴陽地審廳刑事判決唐丙山縱令囚犯脫逃案

貴陽地檢官不服姜壽堂等誣告平舟縣知事李煒新提起控訴意旨書

(十一)代佈

貴陽地檢官不服姜壽堂等誣告平舟縣知事李煒新提起控訴意旨書

貴陽地檢官不服姜壽堂等誣告平舟縣知事李煒新提起控訴意旨書

(十二)代佈

貴陽地檢官不服姜壽堂等誣告平舟縣知事李煒新提起控訴意旨書

貴

州

政

報

要電

覆畢節孫團長俟設法繼賑由

畢節孫團長鑒豔電悉畢節災情極鉅賑濟自應較他處從優經由省署先後發給五千元在案惟本年災區甚廣預算賑款只有此數該紳等所請照給二萬元之數實難辦到一俟開春體察該縣災情如尙不減自當設法繼賑希即轉知特覆燾可澄東印

附原電

貴陽盧總司令任省長鈞鑒頃據畢邑紳商學界葛丙路朝勳劉宗傑劉鄭相邱昌齡劉傳孝林福亮王紹先沈澤新周商簪聯名具稟爲堅請發款以辦賑糴而救災黎事竊畢節本年霪雨爲災收成歉薄平均不及四分縣屬所出已不足供縣屬之用兼大兵駐境數月購備糧秣城鄉穀米搜索一空

貴州政報

以故米價非常騰貴斗米須洋四元四角舊穀須洋三元四角有增無減甫交冬令紳等調查飢殍者百餘人而調查未及者不知凡幾似此狀況開春後不堪設想況畢節爲三省通衢近川一帶民情浮動愚懦者不過奄奄餓斃桀驁者必流爲盜賊滋事生端紳等目擊心傷籌思再四非賑糴不可而賑糴非得大宗的款不可已聯名呈請道尹轉懇省長發款貳萬元採辦米糧惟能否邀准如數發給未敢逆料幸蒙旌麾駐節地方得保治安有恃無恐并承捐助鉅款博施活人種德無量不揣冒昧瀆呈祈電達省長俯如紳等所請貳萬元如數賞准頒發俾紳等得以防備速事辦理得米一勺即救一命畢邑三十萬垂盡災黎感團長再造之恩當不止鑄金膜拜也臨稟不勝涕泣禱祝之至等情前來伏查畢邑荒歉情形自職團到畢後不特迭次慘聞抑且目擊心傷似非急賑饑溺萬難救濟值此民生瘠苦職團在畢亦應仰體鈞意負共同維持之責實有難安緘默者用是據情電呈伏望我鈞

貴

長一視同仁准如前項所請發給賑款貳萬元俾畢邑災黎得沾雨露實不
禁私衷所禱祝者也如何之處敬候電示祇遵團長孫勤樑叩艷印

覆甘肅省長電募地震賑災由

甘肅張省長鑒頃接豔電敬悉

貴省地震災情至堪憫惻

執事提倡救濟事關義舉敢不贊同惟敝省素患貧瘠自軍事發生以來司農
仰屋羅掘已空上年春夏間旱蝗成災入秋後復苦霖雨民居蕩析禾稼無收
災區自上游之畢節赤水黔西大定遵義綏陽興義南籠安南普安興仁冊亨
貞豐貴陽清鎮以及下游之銅仁松桃省溪德江玉屏沿河石阡思縣各屬約
共二十四縣縱橫二千七百餘里哀鴻滿野待哺嗷嗷拯濟無方猶在躊躇前
准山東河南陝西救濟會電函募捐均以自顧不遑據情佈覆
貴省事同一律深慙絀薄實難兼顧尙希

報

政

州

鑒亮勿任歎仄此覆貴州省長任可澄豔印

附來電

貴

州

政

報

萬火急北京外交部內務部財政部陸軍部海軍部參謀本部司法部教育部農商部交通部京畿衛戍總司令蒙藏院大理院鹽務署全國菸酒事務署稅務處步軍統領警察總監京兆尹保定曹巡閱使盛京張巡閱使吉林鮑督軍齊齊哈爾孫督軍武昌王巡閱使杭州夏省長河南趙督軍張省長洛陽吳巡閱副使濟南田督軍太原閻督軍西安陳督軍劉省長成都劉督軍板浦張督軍安慶聶省長南京齊督軍齊省長南昌陳督軍戚省長杭州盧督軍沈省長福州李督軍迪化楊督軍烏得陳鎮守使熱河姜都統張家口張都統歸化蔡都統上海何護軍使各省議會商會暨各報館均鑒甘省於十二月十六日晚七鐘地忽大震省城約震六七分鐘之久毀屋傷人連日復繼續小震至今不止迭據天水通渭會甯靖遠武山導河榆中定西靜

貴州政報

甯等縣先後報稱此次地震非常劇烈或十餘分鐘至二十餘分鐘城堞圯落房屋倒塌死傷不可勝計天水縣城樓倒下壓斃人民二百餘名城外馬跑泉天水井等地幾於蕩平且有山崩地裂湧出黑水之處會甯縣全城傾塌壓斃人民約十分之四靜甯縣山飛川溢村莊坐下人民死傷過半通渭靖遠房屋倒塌將盡死傷無算靖遠竟有一處乾河可以行筏甘省多山其交通要路如車道嶺清涼山齊家山等處均因崩坍阻塞電桿亦毀交通斷絕實爲自來未有之奇災又據報稱回教首領馬元章居隆德縣之西積灘地方臨變祈禱因山崩塌全家六十餘口盡被湮死鄰近教徒死者五六百人其餘回漢人民死傷數萬鎮戎縣之同心城地方夷爲平地海原縣城半城塌陷各縣村鎮全行毀失者甚多現正派員分路切查約計災情自省城以下較輕東路及東南北毘連各縣最重且連日各地仍震動不息人心惶恐幾如世界末日將至所遺災民無衣無食無住流離慘狀目不忍見耳不

貴州政報

忍聞甘人多倚火坑又況衣被素薄一旦失此復值嚴寒大風忍凍忍飢漫天露宿匍匐扶老哭聲遍野不爲餓殍亦將僵斃牲畜傷亡散失狼狗亦羣出噬人實較本年北五省災情爲尤重廣建不德值此巨災與官吏紳民相對慘泣徬徨現已於本署設立籌賑公所倡首集募并提公款急辦氈衣分發倉糧飭被災較重各縣截留應解款項立辦急賑一面電令各被災區分頭辦理惟甘省素稱貧瘠又值饑荒杯水車薪躊躇無策除電陳府院部請賜賑卹外伏懇仁人長德愷悌君子惟飢溺之懷景卹鄰之誼發起義賑覃惠災黎並乞提撥款項先行賜匯甘肅省公署籌賑公所照收分發以濟燃眉渴望德音至爲禱叩甘肅省長兼督軍張廣建省議會議長王世相副議長王友曾王之佐暨全體官吏紳民同叩豔印

貴 州 政 報

本署公文

貴州省長公署訓令

民國十年一月

令定番縣查覆義穀交代冊不符數目由

案據黔中道呈交據該知事呈送補造孤貧義穀交代冊結一案到署查義穀清冊舊管項下內載一乙卯年分撥入廣順縣來格里牛滾坡披弓大寶五寨等處倉穀計京斗一百零九石五斗五升核與該縣前任聶知事所造交代冊實存項下內載撥入廣順縣來格里義穀一十七市石二斗五升又披弓大寶五寨義穀四十七市石八斗數目歧出自係市石合成京石所致惟每一京石折合市石若干來冊未據敘明無憑查核仰卽查明呈覆再行核辦此令

貴州省長公署訓令

民國十年一月

令貴陽縣知事切實整飭官醫局由

貴州政報

查省垣向設有官醫藥局一所向由該縣監督管理局內醫官應得富於經練之人常川在局專司診治誠以貧民無告一經染疾苟非立得醫藥必致日就跼危設局之始意至善法至周也乃近聞該局各醫官多未能按日到局或日偶一至旋即他出病者赴局久候有時竟不得一診種種弊端嘖嘖衆口爲此令仰該知事即便遵照切實考查該局內容如有上開各情亟應力加整飭酌予撤換俾病民共沾實惠公款不至虛糜是爲至要仍將查辦情形具覆查核切切此令

貴州省長公署訓令

民國十年一月

令資善堂查覆勞働病院應否裁撤由

查省垣向設有勞働病院一所歷經該堂管理近據調查該病院名目雖存毫無實際門戶空開儼同私宅似此情形既無以對一般勞働人民而公款虛糜亦屬可惜合行令仰該堂總理等遵照應即親詣該院查看如果徒存虛名無

貴 州 政 報

俾實際亟應體察情形或如何改良或逕予裁撤據實呈候核定庶免有名無實徒費公欸此令

貴州省長公署訓令

民國十年一月

令畢節縣據貴西道道尹呈請核發該縣荒災賑欸由

案據西道呈請核發該縣荒災賑欸一案到署查此案前據該道轉呈該縣被災戶口清冊共四千餘戶請發欸賑濟前來常經核給黔幣三千元并令轉飭具領散放在案茲據覆呈災歉各情閱之殊深憫惻惟查九年度各縣賑濟費核定預算數僅五萬元本年各縣災區甚廣紛紛請賑預算實有不敷現准再由此項賑欸內酌量撥給黔幣二千元即由該知事查照前案趕速由附近縣局撥發急賑一面出具正副印領交由所撥各縣局呈送財政廳請領抵解歸欸勿延切切此令

貴州省長公署訓令

民國十年一月

貴

州

政

報

令興仁縣知事會審盤縣徐甫臣擊匪荒唐一案由

案據盤縣知事王治呈覆徐甫臣因擊匪荒唐自願捐贖一案到署查此案前據前知事王汝賢呈覆訊據徐甫臣供認與徐開華等報復鄧小當干涉放槍之嫌誣鄧姓爲匪立字請團防什長王國賓率兵將鄧福元鄧留成二人殺斃并將鄧福元首級割下搶擄牲畜財物等語因緝徐開華未獲致未判決交卸旋據現任知事王治呈明該徐甫臣係誤聽王什長指揮於緊急剿匪之時不無倉皇失序願捐六百元充修志費并另以二千角給尸屬免其擊匪荒唐之罪當以案情重大未便准予捐贖指令偵緝訊明依法判決各在案茲據該縣以徐甫臣病重將原認捐款六百元改爲保証金竟予保釋呈覆前來除指令申斥并令責保交案傳集一千人証聽候委員會審外查該徐甫臣既被尸屬鄧小當指告於前又經該前縣王知事訊供於後對於搶擄殺人似有重大嫌疑而現任王知事又以該被告當盜匪充斥緊急剿匪之際誤聽王什長指揮

貴州政報

不無倉皇失序迹近荒唐情尙可原爲之辯護詳核兩知事呈詞先後互異疑竇滋多惟查該被告年已六旬據稱久辦團務當知利害若如前縣所呈肇畔原因乃鄧小當干涉放槍所致此等口角微嫌并非深仇夙怨該被告何致頓起殺機竟誣爲匪以圖報復是原呈所供殊難憑信但此案久懸未結徐開華亦未獲案該徐甫臣如果罪有應得自當早日訊判抑或確有冤抑尤當立予昭雪合行令仰該員遵照卽便前往盤縣會同該知事詳查卷宗採擇輿論提集一千人証逐細研訊究明該被告平日之品行及此案死者是良是匪該被告有無誤會或過失務得確情分別秉公判決會呈候核毋稍枉縱致滋冤濫切切此令

貴州省長公署訓令

民國十年一月

令警察廳准省議會咨據清鎮縣區長郭儀臣因公遭忌請飭查辦由

案准

貴

州

政

報

省議會咨開據清鎮縣區長郭儀臣以因公遭忌違法冤押等情具書請願到會當經審查付會討論僉謂匿名揭帖爲飛誣陷害之惡習政府如不嚴禁受理則凡挾有私怨者皆得借匿名帖以快其報復之心不特被誣之人無以保護社會治安亦隨之而多紛擾今據該區長所稱未招告以前無原告控訴招告以後又與事實不合足見匿名捏誣不足爲據應准轉咨查明并請通令嚴禁受理匿名帖以杜紛擾而免冤抑等語經衆可決相應照抄願書備文咨請轉飭查明辦理等由准此查此案請願之郭儀臣係獨山商人秦祥新等在安順帶子街被劫案內之嫌疑重犯并因借官搢詐一案由清匪司令部拏獲押候訊辦前據被害人周云臣以假公勒買各情上訴該郭儀臣到署本署以案歸清匪司令部主辦業飭逕向該司令部呈訴茲查該郭儀臣願書內稱此案已移交警署是否屬實抑係因清匪司令官出省暫行交署管押曾否提案審訊其借官搢詐之案情如何應由該廳查明呈覆核辦爲此將願書抄發令仰

該廳遵照辦理此令

貴州省長公署訓令

民國十年一月

令鎮遠道道尹准黔軍總司令部咨據天柱民王大瀛訴邛水知事由

案准

黔軍總司令部咨案據天柱縣民王大瀛以窩匪搶劫受賄埋冤等情訴邛水縣知事等一案到部查閱訴情係控縣知事及團甲人等釋匪相應檢同副狀咨請查明依法辦理計咨送副狀一件等由准此查此案該民王大瀛曾於八年十一月四日來署上訴當經劉前兼省長令飭該道派員查覆迄今年餘未據呈覆殊屬延玩茲准前由合再令仰該道尹遵照迅即派員前往按照先今訴詞逐一查明限文到十日內據實呈覆毋任延擱切切此令

貴州省長公署訓令

民國十年一月

令電政監督核覆桿木變通辦法由

貴

州

政

報

爲令飭核議事案據獨山縣知事呈據團總劉芳蘭等呈桿木露久請予變通等情到署除以據呈已悉所擬變通辦法是否可行仰候令飭電政局核議呈覆再行飭遵此令等語指令外合抄原稟令仰該監督遵照從速核議具覆以便查核飭遵勿延切切此令

附獨山縣原呈

呈爲呈請核示遵行事據縣屬一二三區團總劉芳蘭等呈稱奉令并布告飭將沿路平置電桿一律搬移分段堆積遮蓋掩護以防霉腐等因自應遵照辦理團總等竊查電桿鋪設盡皆臥置道旁田邊土畔致被坭汗水濕日晒雨淋已經十月有餘沿途除三五旅店茅屋外均無寬廠房舍可以容積借存且其桿木長度異常搬移多數集中堆集與少數分段堆積既乏相宜地點尤苦無此用費而電桿重要又未便派累鄉人致滋紛擾團總等再四思維實無善策轉瞬來年春雨流行此項電桿恐成朽木若不趕緊設法以